

Inatsisartut Suleriaasianni § 37 naapertorlugu matumuuna Naalakkesisunut apeqqutit makku saqqummiuppakka:

Apeqqutit:

1. Paragraf 37 nr. 072 2016-imeersoq akissutiginerani ima ersarissaateqarpoq, pinerluttulerinermut inatsik § 79-imi pinerluttup meeqqap ukiui ilisimasimappagit imaluunniit mianersuaallortumik iliuseqarsimappat, meeqqanik 15-it inorlugit ukiulinnik atoqateqarnek allatulluunniit kinguaassiutitigut atuineq pinerlunnertut taaneqarpoq.
 - a. Inatsimmik atuutsitsinermi pineqaatissiinermilu qanoq immikkoortitsiva pineqaatissiinermi, immikkoortittisaruni inatsit, assersuutit imaattut marluk aallaavigalugit: Inersimmasoq, 18-it sinnerlugit ukiulik, meeqqamik assersuutigalugu qulit (10) inorlugit ukiulimmik kinguaassiutitigut atonerluisarsimappat piffissap sivisuup ingerlanerani arlaleriarluni. Assersuutip aaappaa 18-inik ukiulik 14-inik ukiulimmik atoqateqarsimappat?
2. Eqqartuussivik pineqaatissiinermi ilitsersuutit immaqaluunniit maleruagassanik peqarpa pinerluttulerinermut inatsimmi § 79-ip atuutsinnerani?
3. Maleruagassaqaangippat imaluunniit ilitsersuuteqaangippat, qanoq pineqaatissiinerup sakkortussusissaa sinaakkuserneqartarpa?
4. Pineqaatissiinerit pinerluttulerinermut inatsimmi § 79 naapertorlugu unioqqutinneqarnerani inatsimmi § 119, imm. 1-imi allassimavoq eqqartuussivik assigiinningsunik pineqaatissiinnaasoq. Pineqaatissiinerit sakkukinnersaat mianersoqqusinermut tunngasuvoq sakkortunerpaaq pinerluuteqarsimasunik inissiisarfimmut inissiinissamut tunngasuulluni. Pinerluuteqarsimasunik inissiisarfimmut inissiineq pinerluttulerinermik inatsimmi § 147, imm. 1 naapertorlugu ukiunit qulinit (10) sivisunerusinnaangilaq.
 - a. Pinerluttulerinermut inatsit §79-imeq unioqqutitsisimasut kingulliit tallimat pineqaatissinneqartut suna pineqaatissiissutigaat, Sermersuup politiivisa susassaqrifiini?
5. Pinerluttulerinermut inatsimmi meeqqanik kinguaassiutitigut atonerluineq immikkut pineqaatissiinissamut, assersuutigalugu ukiut aalajangersimasut minnerpaaffissamik maleruagassaqarpa imaluunniit paragraffeqarpa?

Tunngavilersuut:

Kinguaassiutitigut meeqqanik kannagtsaatsuliortarneq misissuiffigineqarnikuvoq nalunaarusiallu arlallit kalaallit inuiaqatigiit akornanni qanoq annertugisumik atugaanerannik takutitsisut saqqummertinneqarnikuullutik,. Ajoraluartumik kisitsisit takutippaat innarliisernerit ikiliartunngitsut. Ullumikkut pineqaatissiseeriaaserput inuiaqatigiinnut akulerutsitseqqinniarnermik siunertaqartoq ajunngitsortaqaqarualarpoq, taamaattoq meeqqanik kinguaassiutitigut atonerluinermik pinerlunnerit ima inuiaqatigiinni naleqartitatsinnut sanilliullugit tulluanningsigippat sualutsigippulli

pineqaatissiisarnermut tunngavit naammanngitsut, pineqaatissiisarnerit sakkukippallaarpat?
Isumaqarpunga meeqqat illersorniarlugit qaammarsaaneq, pinaveersaartitsineq malunnaatilimmillu
sakkortunerusumik pineqaatissiisarneq imaluunniit paarnaarussineq pisariaqalersut.

Kissaatigaara apeqqutikka ullut suliffiusut 10 iluanni akineqassasut.

Inussiarnersumik inuulluaqqusillunga
Jens-Erik Kirkegaard, Siumut